



Inatsisartunut ilaasortaq,  
Aslak W. Jensen, Siumut  
Maani/

### § 37 naapertorlugu apeqquteqaammut nr. 2022\_067-imut akissut

Inatsisartut suleriaasissaanni § 37 imm. 1 naapertorlugu nipisanniarneq pillugu Naalakkersuisunut apeqquteqarsimavutit. Apeqqut suliasaqarfigisannit akineqartussanngorlugu innersuunneqarpoq.

#### 1. Naalakkersuisut arnarlunniartarnermut tunngatillugu nalunaarut atuuttoq naapertorlugu agguaaasisimappat?

##### a. Taamaattoqarsimanngippat suna peqqutaava?

**1-imut)** Arnarlunniarnermi akuersissutit, Nipisanniarneq pillugu Namminersorlutik Oqartussat nalunaarutaat nr. 22, 22.juni 2021-meersoq naapertorlugu tunniunneqartarput.

**2. Nalunaarut atuuttoq susassaqaqatigiit peqatigalugit ukiup ataatsip missaa atorlugu suliarineqarsimavoq. Siunertaasut ilagaat, inuussutissarsiutigalugu arnarlunniartut salliullugit agguaaassivigineqartalissasut.**

##### a. Tamanna pisimava?

##### b. Taamaangippat, suut patsisaappat?

**2-mut)** Inuussutissarsiutigalugu nipisanniartartut Nipisanniarneq pillugu Namminersorlutik Oqartussat nalunaarutaat nr. 22, 22. juni 2021-meersumi § 17 naapertorlugu salliutinneqarsimapput, tassanimi allassimammat: "Aalisarnermut Piniarnermullu Naalakkersuisoqarfik piffissami ukiuni marlunni ulloq 1. august 2021-miit 28. februar 2023 tikillugu aalisalersunut nutaanut inuussutissarsiutigalugu nipisanniarsinnaanermut akuersissutinik tunniussissanngilaq." Ilaatigut tamakkiisumik aalisartuunngitsunit nipisanniarusullutik soqutiginnittut amerliartuinnarmata taamatut aalajangertoqartariaqarsimavoq. Taamaasiluni inuussutissarsiutigalugu nipisanniartartut § 17 naapertorlugu illersorneqarput.

#### 3. Aalisakkat killersugaaneri pissutigalugit Naalakkersuisut pissusissamisoortutut isigaat, inuussutissarsiutigalugu ukioq naallugu aalisartut salliutinneqassasut?

##### a. Taamaangippat sooq?

Ulloq: 15-03-2022  
Suliap normua: 2022 - 6884  
All. nr. 19582996  
Postboks 269  
3900 Nuuk  
Oqarasuaat (+299) 34 50 00  
Fax (+299) 34 63 55  
E-mail: apn@nanoq.gl  
www.naalakkersuisut.gl

**3-mut)** Inuussutissarsiutigalugu aalisartut Naalakkersuisunit pingaartinneqartorujussuupput aqutsinermikkullu inuussutissarsiutigalugu aalisartut aalisarnerinnarmik inuussutissarsiuteqartut namminneq pilersorsinnaanissaat taamaasillutillu inuuniarnikkut isuman-naatsumik atugaqarnissaat anguniagaralugu.

Aalisarneq pillugu Inatsisartut Inatsisaat nr. 18, 31. oktober 1996-imeersumi § 2 imm. 3-mi erseqqissaatigineqarpoq inatsisip matuma atortinnerani inuussutissarsiutigalugu aalisarneq eqqarsaatigalugu aalisarneqarsinnaasut aalisariutillu piasinnaasaasa imminnut naleqquttuunissaat, kiisalu aalisarnermik inuussutissarsiuteqarnermi, suliffisuarni suliareqqiisarfiusuni inuussutissarsiutinilu allani inuussutissarsiummut attuumas-suteqartuni aningaasarsiornikkut suliffissaqartitsiniarnikkullu isiginiagassat pingaartinne-qassapputtaaq.

Taamaattorli aalisakkat nunatta imartaaniittut pisuussutaapput inuiaqatigiit ataatsimoor-lutik pigisaat innuttaasunit tamarmiusunit aallaaviatigut iluaqutiginiarneqarsinnaasut aamma inuussutissarsiutigalugu aalisartartunit.

Inussiarnersumik inuulluaqqusillunga



Aqqaluq B. Egede

Aalisarnermut Piniarnermullu Naalakkersuisoq